

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 210. hitnoj sjednici, održanoj 23.03.2021. godine, donosi

ZAKLJUČAK

1. Usvaja se Informacija o epidemiološkoj situaciji COVID-19 u Federaciji Bosne i Hercegovine na dan 22.03.2021. godine.

2. Primjena Naredbi i Preporuka Kriznog štaba Federalnog ministarstva zdravstva, usvojenih Zaključkom V. broj: 381/2021 od 11.03.2021. godine produžava se za dodatnih 14 dana, računajući od dana 24.03.2021. godine, izuzev u poglavlju I. Opće naredbe, tač. 3. i 4., koje se mijenjaju i glase:

„3. Dozvoljeno je okupljanje ljudi na određenom prostoru pod sljedećim uslovima:
ne više od 20 ljudi u zatvorenom prostoru,
ne više od 20 ljudi na otvorenom prostoru.

Sva okupljanja unutar navedenih ograničenja moraju se odvijati u prostoru koji omogućuje obaveznu fizičku distancu od najmanje 2 metra između osoba (osim članova istog kućanstva).

S ciljem smanjivanja rizika od COVID-19, kao i zaštite ličnog zdravlja, za vrijeme okupljanja, potrebno je obavezno pridržavanje preporuka donesenih od strane zavoda za javno zdravstvo u Federaciji Bosne i Hercegovine (higijensko-epidemioloških mjera). Za provođenje mjera na skupovima odgovorni su organizatori okupljanja, organizator je dužan izvršiti prijavljivanje održavanja skupa u skladu sa propisima o javnom okupljanju, kao i kriznim štabovima kantonalnih ministarstava zdravstva.

4. Ograničava se kretanje stanovništva na cijelom teritoriju Federacije Bosne i Hercegovine u vremenu od 21:00 sata uvečer do 5:00 sati ujutru narednog dana.

Iz stava (1) ove tačke izuzimaju se svi uposlenici koji su uključeni u provođenje mjera i aktivnosti na rješavanju epidemije COVID-19 na području Federacije BiH, uposlenici kojima se proces rada odvija u smjenama, međugradski i međunarodni prijevoz putnika, taxi služba, kao i vozači teretnih vozila u domaćem i međunarodnom transportu.

Uposlenici iz stava (2) koji su uključeni u provođenje mjera i aktivnosti na rješavanju epidemije COVID-19 na području Federacije BiH, uposlenici kojima se proces rada odvija u smjenama, moraju imati odobrenje poslodavca za kretanje u razdoblju od 21:00 sata uvečer do 5:00 sati ujutru narednog dana.

Za kontrolu tačke 4. Poglavlja I. „Opće naredbe“ zadužuju se kantonalne uprave policija nadležnih kantonalnih ministarstava unutrašnjih poslova u skladu sa kantonalnim propisima o javnom redu i miru.

U poglavlju IV. Naredbe za ugostiteljske objekte

U tački 1. broj osoba u otvorenom i zatvorenom prostoru se ograničava na 20.

Tačke 2., 3. i 4. se brišu.“

3. Zadužuje se Krizni štab Federalnog ministarstva zdravstva da ovaj zaključak dostavi prema kriznim štabovima kantonalnih ministarstava zdravstva, kantonalnim ministarstvima zdravstva, zdravstvenim ustanovama s područja kantona putem kriznih štabova kantonalnih ministarstava zdravstva, Kliničkim centrima u Federaciji BiH, općim, kantonalnim i specijalnim bolnicama putem kriznih štabova kantonalnih ministarstava zdravstva, Federalnoj i kantonalnim upravama za inspekcijske poslove i Upravama policija MUP-a kantona.

4. Stupanjem na snagu ovog zaključka prestaje da važi Zaključak V. broj: 466/2021 od 18.03.2021. godine.

5. Ovaj zaključak stupa na snagu danom donošenja i objavit će se u „Službenim novinama Federacije BiH“.

V. broj: 473 /2021
23.03.2021. godine
Sarajevo



PREMIJER

Fadil Novalić